



Pou Piblikasyon Imedya: 24/01/2021

GOUVÈNÈ ANDREW M. CUOMO

## GOUVÈNÈ CUOMO BAY NOUYÒKÈ YO MIZAJOU SOU PWOGRAM VAKSINASYON ETA A

*Pandan tout alokasyon semèn 6 yo rive vè 11AM jodi a, Sit Distribisyon Swen Sante New York yo te administre 88% nan premye dòz yo te resevwa nan men Gouvènman Federal la*

*[Tablodò Vaksen an](#) pral ajou chak jou pou bay mizajou sou pwogram vaksinasyon eta a; ale sou [ny.gov/vaccinetracker](https://ny.gov/vaccinetracker)*

Jodi a, Gouvènè Andrew M. Cuomo te bay Nouyòkè yo mizajou sou pwogram vaksinasyon eta a. Livrezon alokasyon federal vaksen total pou semèn 6 la bay founisè yo ap fini jodi a. Livrezon alokasyon semèn 7 gouvènman federal la p ap kòmanse anvan mitan semèn sa. Jiska 11am jodi a, sit distribisyon swen sante New York yo te resevwa 1,304,050 premye dòz epi yo te bay 88 pousan oswa 1,144,070 premye dòz vaksen.

"Pandan alokasyon semèn sis nou an rive jwenn founisè yo jodi a, New York deja bay 88 pousan nan premye dòz li yo, ki demontre yon lòt fwa ankò ke pwoblèm nou fè fas la se mank apwovizyonman nan men gouvènman federal la", **Gouvènè Cuomo te deklare.** "Nou genyen kapasite operasyonèl pou fè plis pase 100,000 dòz pa jou — nou sèlman bezwen dozaj yo. Pandan tan sa, eta a ap kontinye travay lajounen kou lannwit pou bay piki nan bra yo rapidman, epi founisè nou yo dwe kontinye administre bay popilasyon ki gen priorite ki atribye yo pou asire distribisyon ki egal pandan moman apwovizyonman limite sa."

Gwo rezo distribisyon ak gran kantite popilasyon moun ki elijib New York yo lajman depase kantite apwovizyonman vaksen gouvènman federal la ap bay la. Byenke gouvènman federal la te agrandi chan elijiblite pou vaksen an pou gen ladan 7 milyon Nouyòkè, apwovizyonman vaksen gouvènman federal la bay la te redui aktyèlman. Piske apwovizyonman an limite, nou ankouraje Nouyòkè yo pou yo rete pasyan e nou konseye yo pou yo pa prezante nan sit vaksinasyon yo san randevou.

Chif pwogram vaksinasyon yo se pou dòz ki distribye epi livre nan New York pou pwogram vaksinasyon an, e yo pa genyen ladan yo sa ki rezève pou pwogram Etablisman Swen Alontèm gouvènman federal la. Men yon repatisyon done sou baz kantite ki repòte bay Eta New York a 11 AM jodi a:

## **REPATISYON NAN TOUT ETA A**

- Premye Dòz yo Resevwa - 1,304,050
- Premye Dòz yo Bay - 1,144,070
- Dezyèm Dòz yo Resevwa - 564,600
- Dezyèm Dòz yo Bay - 139,929

<b>Rejyon</b>	<b>1ye dòz yo te resevwa</b>	<b>1ye dòz yo bay</b>	<b>% Kantite Dòz yo Bay/Resevwa</b>
<b>Capital Region</b>	83,840	74,380	89%
<b>Central New York</b>	74,040	72,447	98%
<b>Finger Lakes</b>	80,150	76,141	95%
<b>Long Island</b>	149,370	144,508	97%
<b>Mid-Hudson</b>	123,150	100,677	82%
<b>Mohawk Valley</b>	36,970	25,403	69%
<b>New York City</b>	589,275	499,101	85%
<b>North Country</b>	36,745	28,468	77%
<b>Southern Tier</b>	38,250	34,486	90%
<b>Western New York</b>	92,260	88,459	96%
<b>TOTAL</b>	<b>1,304,050</b>	<b>1,144,070</b>	<b>88%</b>

	<b>Semèn 1</b>	<b>Semèn 2</b>	<b>Semèn 3</b>	<b>Semèn 4</b>	<b>Semèn 5</b>	<b>Semèn 6</b>
	<b>Dòz k ap vini nan dat 12/14 - 12/20</b>	<b>Dòz k ap vini nan dat 12/21 - 12/27</b>	<b>Dòz k ap vini nan dat 12/28 - 01/03</b>	<b>Dòz k ap vini nan dat 01/04 - 01/10</b>	<b>Dòz k ap vini nan dat 01/11 - 01/17</b>	<b>Dòz k ap vini nan dat 01/18 - 01/24</b>
<b>1ye dòz livrezon konplè yo bay New York pou Sit Distribisyon Swen Sante yo</b>	90,675	392,025	201,500	160,050	209,400	250,400

<b>2yèm dòz livrezon konplè yo bay New York pou Sit Distribisyon Swen Sante yo</b>	0	0	0	90,675	45,825	428,100
<b>TOTAL</b>	90,675	392,025	201,500	250,725	255,225	678,500
<b>KIMILATIF</b>		482,700	684,200	934,925	1,190,150	1,868,650

Jiskaprezan, sit distribisyon swen sante New York yo te administre 88 pousan premye dòz ke yo te resevwa nan men gouvènman federal la men akòz repatisyon limite gouvènman federal la, randevou yo te ranpli byen vit. Pou w detèmine si w elijib ak pran yon randevou nan yon sit vaksinasyon an mas eta a jere, ou ka vizite sitwèb '[Èske M Elijib \(Am I Eligible\)](#)' a. Nouyòkè yo kapab rele depatman sante, famasi, doktè oswa lopital lokal yo pou yo jwenn plis enfòmasyon ak pou yo pwograme randevou yo kote vaksen yo disponib.

[Tablodò pou Swivi Vaksen Kont COVID-19](#) (COVID-19 Vaccine Tracker Dashboard) la disponib pou mete Nouyòkè yo ajou sou distribisyon vaksen COVID-19 la. Depatman Sante (Department of Health, DOH) Eta New York la egzije etablisman k ap bay vaksen yo pou yo rapòte done pou tout vaksen kont COVID-19 yo bay nan yon delè 24 èdtan; done sou kantite vaksen yo bay yo ap ajou chak jou sou tablodò a pou reflekte mezi ki pi ajou yo nan kad efò vaksinasyon eta a.

###

Lèt nouvèl disponib sou sit [www.governor.ny.gov](http://www.governor.ny.gov)  
 Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)